

BOSNA I HERCEGOVINA
Federacija Bosne i Hercegovine
UNSKO SANSKI KANTON
GRAD BOSANSKA KRUPA



SLUŽBENI GLASNIK

Grada Bosanska Krupa

Godina XXVIII – Broj 8.

31. maj 2022. godina
Bosanska Krupa

Izdaje se na
bosanskom jeziku

SADRŽAJ

8/22.

R/B	NAZIV AKTA	BR.STRANICE
1.	<i>Odluka o prodaji nekretnine-neizgrađenog građevinskog zemljišta u obuhvatu Regulacionog plana "Poslovna zona Pilana"</i>	923.
2.	<i>Odluka o imenovanju radne grupe za izradu Plana trajnog rješenja pasa lotalica na području grada Bosanska Krupa i njihovo zbrinjavanje</i>	923.
3.	<i>Rješenje o imenovanju zamjenskog člana Gradske izborne komisije Bosanska Krupa</i>	924.
4.	<i>zaključci</i>	924-926
AKT GRADONAČELNIKA		
1.	<i>Pravilnik o izmjenama i dopunama Pravilnika o unutrašnjoj organizaciji Jedinstvenog općinskog organa uprave općine Bosanska Krupa</i>	926.

Na osnovu člana 13. stav 2. alineja 5. i člana 35. stav 3. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06), člana 363. Zakona o stvarnim pravima FBiH („Službene novine Federacije Bosne i Hercegovine“ broj: 66/13 i 100/13), člana 3. stav 1. tačka c) i člana 5. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine broj:17/14) i člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj: 8/11) Gradsko vijeće grada Bosanska Krupa, na prijedlog gradonačelnika, a na osnovu mišljenja Gradskog pravobranioca broj:M04/22 od 13.05.2022.godine, na svojoj IV redovnoj sjednici održanoj dana 30.5.2022. godine, donosi:

ODLUKU

o prodaji nekretnine-neizgrađenog građevinskog zemljišta u obuhvatu Regulacionog plana "Poslovna zona Pilana"

Član 1.

Odobrava se prodaja nekretnine - neizgrađenog građevinskog zemljišta vlasništvo Općine Bosanska Krupa sa dijelom 1/1, upisane u ZKU broj: 33 k.o. Bosanska Krupa II, a označene kao k.č.broj: 1092/7 „LUKA“ Dvorište površine 877 m², u obuhvatu Regulacionog plana „Poslovna zona Pilana“ prema Izmeni i dopuni regulacionog plana „Poslovna zona Pilana“ („Sl.glasnik općine Bosanska Krupa“ br.11/11, 3/17 i 8/21)

Član 2.

Prodaja nekretnine javnim nadmetanjem iz člana 1. ove Odluke izvršit će se putem oglasa kojeg raspisuje gradonačelnik u skladu sa Pravilnikom o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine broj:17/14).

Oglas će se objaviti u sredstvima javnog informisanja i jednom dnevnom listu koji se izdaje u Federaciji Bosne i Hercegovine, na oglasnim pločama Grada Bosanska Krupa i web stranici Grada, koji ostaje otvoren 15 (petnaest) dana po objavljivanju.

Član 3.

Početna cijena nekretnine iz člana 1. iznosi 25.433,00 KM utvrđena na osnovu procjene vještaka građevinske struke od decembra 2021. godine i obrazloženja tržišne vrijednosti zemljišta na dan 30.03.2022.godine.

Član 4.

Postupak javnog nadmetanja provodi Komisija za provođenje javnog nadmetanja imenovana od strane Gradskog vijeća u skladu Pravilnikom o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine broj:17/14).

Član 5.

Sa kupcem/ima čija ponuda bude najpovoljnija zaključit će se kupoprodajni ugovor, obrađen od strane notara.

Kupac/ca pored kupoprodajne cijene, snosi troškove koji su vezani za prenos prava vlasništva na nekretnini (porez na prenos nekretnine i takse za upis u zemljišne knjige), kao i troškove notarske obrade ugovora.

Ovlašćuje se gradonačelnik u ime Grada Bosanska Krupa zaključiti kupoprodajni ugovor, te o svemu informiše Gradsko vijeće.

Član 6.

Ova Odluka stupa na snagu danom objavljivanja u „Službenom glasniku Grada Bosanska Krupa.

Broj:01-02-223-2-1/22
Dana, 30.05. 2022.godine

PREDSJEDAVALAČI GRADSKOG VIJEĆA

Alen Lipovača s.r.

Na osnovu člana 21. Zakona o lokalnoj samoupravi USK („Službeni glasnik USK“, broj: 8/11), u vezi Incijative vijećnice Edine Šertović za rješavanje problema pasa lotalica i njihovo zbrinjavanje na području grada Bosanska Krupa, Gradsko vijeće grada Bosanska Krupa na IV (četvrtoj) redovnoj sjednici održanoj dana, 30.05.2022.godine, donosi

ODLUKU

o imenovanju radne grupa za izradu Plana trajnog rješenja problema pasa lotalica na području grada Bosanska Krupa i njihovog zbrinjavanja

I

Imenuje se radne grupa za izradu Plana trajnog rješenja problema pasa lotalica na području grada Bosanska Krupa i njihovog zbrinjavanja u sastavu:

- 1.Edina Šertović, predsjednik radne grupe
- 2.Vildana Jogić, član ispred Gradskog vijeća
- 3.Mehmed Haskić, član ispred Gradskog vijeća
4. Elvira Mehić, član ispred Gradskog vijeća
5. Nermin Musić, član predstavnik JKP „10 Juli“ d.o.o. Bosanska Krupa
- 6.Emina Mesić, doktor veterinarske medicine
7. Selma Šabić, član predstavnik ispred Gradske uprave grada Bosanska Krupa

II

Imenovani članovi radne grupe zadužuju se da u roku od 60 (šestdeset) dana od dana prijema ove Odluke u skladu sa pozitivnim pravnim propisima koji regulišu ovu oblast pripreme Plan trajnog rješenja problema pasa lotalica na području grada Bosanska Krupa i njihovog zbrinjavanja i isti dostave Gradskom vijeću na dalji postupak.

III

Ova Odluka stupa na snagu danom objavljivanja u «Službenom glasniku grada Bosanska Krupa».

Broj:01-02-223-3-1/22
Dana, 30.05.2022.godine

PREDSJEDAVAJUĆI GRADSKOG VIJEĆA
Alen Lipovača s.r.

Na osnovu člana 2.15 stav (2) Izbornog zakona BiH („Službeni glasnik BiH“ broj: 23/01, 7/02, 9/02,20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj:8/11), na prijedlog Komisije za izbor, imenovanja, administrativna i mandatsko imunitetska pitanja, Gradsko vijeće grada Bosanska Krupa, na svojoj IV (četvrtoj) redovnoj sjednici održanoj dana 30.05.2022. godine, d o n o s i

RJEŠENJE

o imenovanju zamjenskog člana Gradske izborne komisije Bosanska Krupa

Član 1.

Za zamjenskog člana Gradske izborne komisije Bosanska Krupa imenuje se Čamka Bešić, dipl.pravnik iz Bosanske Krupe.

Član 2.

Mandat zamjenskog člana Gradske izborne komisije Bosanska Krupa iz člana 1. ovog Rješenja traje do izbora novog člana po postupku propisanom članom 2.12 stav (5) Izbornog zakona Bosne i Hercegovine.

Član 3.

Nadležnost, mandat i finansiranje Gradske izborne komisije utvrđen je Izbornim zakonom BiH.

Član 4.

Ova Rješenje stupa na snagu danom dobijanja saglasnosti od strane Centralne izborne komisije BiH, a isto će se objaviti u „Službenom glasniku grada Bosanska Krupa.

Broj:01-02-223-4-1/22
Dana, 30.05.2022.godine

PREDSJEDAVAJUĆI GRADSKOG VIJEĆA
Alen Lipovača s.r.

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj:8/11) i člana 113. Poslovnika o radu Općinskog vijeća (“Službeni glasnik općine Bosanska Krupa”, broj:8/18, 3/20 i 10/21), Gradsko vijeće na prijedlog Gradonačelnika, razmatralo je Prijedlog odluke o prodaji nekretnine- neizgrađenog građavinskog zemljišta u obuhvatu Regulacionog plana „Poslovna zona Pilana“, i na IV (četvrtoj) redovnoj sjednici održanoj dana, 30.05.2022.godine, donosi:

ZAKLJUČAK

Član 1.

Prijedlog odluke o prodaji nekretnine- neizgrađenog građavinskog zemljišta u obuhvatu Regulacionog plana „Poslovna zona Pilana“ usvaja se u ponuđenom tekstu.

Član 2.

Ovaj zaključak bit će objavljen u „Službenom glasniku grada Bosanska Krupa“

Broj:01-02-223-2/22
Dana, 30.05.2022.godine

PREDSJEDAVAJUĆI GRADSKOG VIJEĆA
Alen Lipovača s.r.

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj:8/11) i člana 113. Poslovnika o radu Općinskog vijeća (“Službeni glasnik općine Bosanska Krupa”, broj:8/18, 3/20 i 10/21), Gradsko vijeće razmatralo je Prijedlog Odluke o imenovanju radne grupe za izradu Plana trajnog rješenja pasa lotalica na području grada Bosanska Krupa i njihovo zbrinjavanje i na IV (četvrtoj) redovnoj sjednici održanoj dana, 30.05.2022.godine, donosi:

ZAKLJUČAK

Član 1.

Prijedlog Odluke o imenovanju radne grupe za izradu Plana trajnog rješenja pasa lualica na području grada Bosanska Krupa i njihovo zbrinjavanje usvaja se s tim da se u članu 1. Odluke dodaju dva nova člana u radnu grupu I to: "Mehmed Haskić, član ispred Gradskog vijeća i Elvira Mehić, član ispred Gradskog vijeća".

Član 2.

Ovaj zaključak bit će objavljen u „Službenom glasniku grada Bosanska Krupa“

Broj:01-02-223-3/22

PREDSJEDAVAJUĆI GRADSKOG VIJEĆA

Dana, 30.05.2022.godine

Alen Lipovača s.r.

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj:8/11) i člana 113. Poslovnika o radu Općinskog vijeća ("Službeni glasnik općine Bosanska Krupa", broj:8/18, 3/20 i 10/21), Gradsko vijeće na prijedlog Komisije za izbor, imenovanja, administrativna i mandatsko imunitetska pitanja, razmatralo je Prijedlog rješenja o imenovanju zamjenskog člana Gradske izborne komisije Bosanska Krupa, i na IV (četvrtoj) redovnoj sjednici održanoj dana, 30.05.2022.godine, donosi:

ZAKLJUČAK

Član 1.

Prijedlog rješenja o imenovanju zamjenskog člana Gradske izborne komisije Bosanska Krupa usvaja se, s tim da se u članu 1. dodaju riječi: "Ćamka Bešić, dipl.pravnik iz Bosanske Krupe".

Član 2.

Ovaj zaključak bit će objavljen u „Službenom glasniku grada Bosanska Krupa“

Broj:01-02-223-4/22

PREDSJEDAVAJUĆI GRADSKOG VIJEĆA

Dana, 30.05.2022.godine

Alen Lipovača s.r.

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj:8/11) i člana 113. Poslovnika o radu Općinskog vijeća ("Službeni glasnik općine Bosanska Krupa", broj:8/18, 3/20 i 10/21), Gradsko vijeće na prijedlog Gradonačelnika, razmatralo je Izvještaj o radu Općinskog pravobranilaštva za period 01.01. do 31.12.2021.godine, i na IV (četvrtoj) redovnoj sjednici održanoj dana, 30.05.2022.godine, donosi:

ZAKLJUČAK

Član 1.

Sa 10 glasova "ZA" i 12 glasova "SUZDRZAN" Izvještaj o radu Općinskog pravobranilaštva za period 01.01. do 31.12.2021.godine nije dobio potrebnu vjećničku većinu

Član 2.

Ovaj zaključak bit će objavljen u „Službenom glasniku grada Bosanska Krupa“

Broj:01-02-223-5/22

PREDSJEDAVAJUĆI GRADSKOG VIJEĆA

Dana, 30.05.2022.godine

Alen Lipovača s.r.

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj:8/11) i člana 113. Poslovnika o radu Općinskog vijeća ("Službeni glasnik općine Bosanska Krupa", broj:8/18, 3/20 i 10/21), Gradsko vijeće na prijedlog Gradonačelnika, razmatralo je Informaciju- Analiza rezultata mjerenja zadovoljstva građana javnim uslugama sa komparacijom rezultata anketiranja iz predhodnog ciklusa, i na IV (četvrtoj) redovnoj sjednici održanoj dana, 30.05.2022.godine, donosi:

ZAKLJUČAK

Član 1.

Informacija- Analiza rezultata mjerenja zadovoljstva građana javnim uslugama sa komparacijom rezultata anketiranja iz predhodnog ciklusa *prima se k znanju*.

Član 2.

Ovaj zaključak bit će objavljen u „Službenom glasniku grada Bosanska Krupa“

Broj:01-02-223-6/22

PREDSJEDAVAJUĆI GRADSKOG VIJEĆA

Dana, 30.05.2022.godine

Alen Lipovača s.r.

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj:8/11) i člana 113. Poslovnika o radu Općinskog vijeća ("Službeni glasnik općine Bosanska Krupa", broj:8/18, 3/20 i 10/21), Gradsko vijeće na prijedlog Kolegija Gradskog vijeća, razmatralo je Informaciju Policijske stanice za mjesec april 2022.godine, i na IV (četvrtj) redovnoj sjednici održanoj dana, 30.05.2022.godine, donosi:

ZAKLJUČAK

Član 1.

Informacija Policijske stanice za mjesec april 2022.godine prima se k znanju.

Član 2.

Ovaj zaključak bit će objavljen u „Službenom glasniku grada Bosanska Krupa“

Broj:01-02-223-7/22
Dana, 30.05.2022.godine

PREDSJEDAVAJUĆI GRADSKOG VIJEĆA

Alen Lipovača s.r.

AKT GRADSKOG NAČELNIKA

Na osnovu člana 27. stav (1) tačka đ) Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona", broj: 8/11) i člana 17. Odluke o osnivanju i djelokrugu rada Jedinstvenog gradskog organa uprave Grada Bosanska Krupa („Službeni glasnik općine Bosanska Krupa“, broj: 5/22), Gradonačelnik, uz prethodno pribavljeno Mišljenje Sindikalne organizacije službenika i namještenika organa uprave Bosanska Krupa broj: 03-9-34/22 od 20.5.2022. godine, d o n o s i:

PRAVILNIK

o izmjenama i dopunama Pravilnika o unutrašnjoj organizaciji Jedinstvenog općinskog organa uprave općine Bosanska Krupa

Član 1.

Ovim Pravilnikom vrše se izmjene i dopune Pravilnika o unutrašnjoj organizaciji Jedinstvenog općinskog organa uprave općine Bosanska Krupa broj: 01/N-02-9428/17 od 25.12.2017.godine i 16.4.2018.godine, 01/N-02-1899/18 od 26.6.2018.godine, 01/N-02-7674/18 od 22.11.2018.godine, 01/N-02-4478/19 od 1.07.2019.godine, 01/N-02-6479/19 od 16.10.2019.godine, 01-02-1621/20 od 27.2.2020.godine, 01-02-5275/20 od 26.8.2020.godine, 01-02-4949/21 od 16.06.2021.godine, broj: 01-02-5655/21 od 14.07.2021.godine, broj: 01-02-7260/21 od 22.09.2021.godine, broj: 01-04-2145/22 od 17.3.2022.godine i broj: 01-30-3691/22 od 22.4.2022.godine («Službeni glasnik općine/grada Bosanska Krupa» broj: 1/18, 6/18, 10/18, 6/19, 9/19, 2/20, 7/20, 8/21, 9/21 i 6/22) (u daljem tekstu: Pravilnik u odgovarajućem padežu).

Član 2.

Član 8. stav 1. Pravilnika mijenja se i glasi:

„Ukupno sistematiziranih radnih mjesta državnih službenika i namještenika je 136 i to:

- 2 rukovodeći državni službenik
- 68 ostalih državnih službenika
- 66 namještenika“.

Član 3.

U članu 15. Pravilnika iza tačke 2. dodaje se nova tačka 2a) i glasi:

„2a) STRUČNI SAVJETNIK ZA PRAVNE POSLOVE

Opis poslova: vodi upravni postupak i rješava najsloženije upravne stvari u prvostepenom upravnom postupku – posebni ispitni postupak iz nadležnosti Službe (izrada odobrenja za obavljanje trgovinske djelatnosti, izrada odobrenja za obavljanje ugostiteljsko – turističke djelatnosti, izrada odobrenja za obavljanje obrta fizičkim licima i ostalih odobrenja iz nadležnosti Službe), izrađuje prednacrt, nacrt i prijedloge propisa i općih akata koje donosi Gradsko vijeće ili Gradonačelnik, nomotehnički obrađuje te propise, te priprema izmjene i dopune propisa koji se odnose na obrt, poljoprivredu i poduzetništvo a koje donosi Gradsko vijeće ili Gradonačelnik, vodi postupak dodjele u zakup poljoprivrednog zemljišta, daje stručna mišljenja o prednacrtima, nacrtima i prijedlozima zakona i drugih propisa i općih akata, te o prednacrtima, nacrtima i prijedlozima sporazuma, ugovora i drugih akata sa aspekta njihove usklađenosti sa pravnim sistemom iz nadležnosti Službe, izrađuje upravne akte kojima se odobrava privremena ili stalna odjava rada itd., vodi postupak izdavanja uvjerenja iz službenih evidencija i registara koji se vode kod Službe, dgovoran je za usklađenost donesenih upravnih akata sa izmjenama i dopunama propisa na osnovu kojih su doneseni, učestvuje u izradi izvještaja, analiza i informacija iz oblasti obrta, poljoprivrede i

poduzetništva, provodi politiku i izvršava zakone, druge propise i opće akte i s tim u vezi utvrđuje stanje i posljedice koje mogu nastati u oblasti obrta, poljoprivrede i poduzetništva tj. priprema i poduzima odgovarajuće mjere, radnje i postupke radi izvršavanja navedenih poslova, te poduzima mjere na sprječavanju nastanka štetnih posljedica, odnosno mjera, radnji i postupaka na otklanjanju štetnih posljedica, pruža pravnu pomoć fizičkim i pravnim licima u oblasti obrta, poljoprivrede i poduzetništva, učestvuje u pripremi tenderske dokumentacije za projekte/programme iz nadležnosti službe; učestvuje u izradi gradske razvojne strategije, učestvuje u procesima strateškog planiranja; učestvuje u izradi godišnjeg plana implementacije strategije, u godišnji plan službe ugrađuje prioritete iz godišnjeg Plana implementacije, priprema tehničku dokumentaciju za implementaciju projekata iz nadležnosti službe, izrađuje akcioni plan za svaki projekat dodijeljen na implementaciju, prati realizaciju prema tehničkoj dokumentaciji i prema projektnim indikatorima, odgovoran je za provedbu propisanih postupaka i procedura o internoj kontroli, odgovoran je za zakonito i ažurno obavljanje poslova na sedmičnoj i mjesečnoj osnovi, podnosi pismene mjesečne, a po zahtjevu i sedmične izvještaje o svom radu šefu Službe i gradonačelniku, po potrebi obavlja i druge poslove iz djelokruga rada Službe, a prema zahtjevu i uputama šefa Službe i gradonačelnika, za svoj rad neposredno je odgovoran šefu Službe

Uvjeti za obavljanje poslova: VSS, VII stepen ili diploma visokog obrazovanja prvog (240 ECTS) drugog ili trećeg ciklusa Bolonjskog sistema studiranja pravne struke, položen stručni ispit ili ispit općeg znanja, najmanje 3 godine iskustva u struci,

Vrsta djelatnosti: osnovna djelatnost

Grupa poslova: upravno rješavanje, normativno-pravni, stručno -operativni

Složenost poslova: najsloženiji

Status izvršioca: državni službenik

Pozicija radnog mjesta: stručni savjetnik

Broj izvršilaca: 1 (jedan)

U obavljanju navedenih poslova i radnih zadataka u primjeni su slijedeći propisi : Zakon o upravnom postupku; Zakon o obrtu, Zakon o poljoprivrednom zemljištu, Zakon o slobodi pristupa informacijama F BiH; podzakonski propisi koji su vezani za naprijed navedene zakone; Pravilnik o kancelarijskom poslovanju u Federaciji Bosne i Hercegovine i drugi propisi koji su vezani za ove oblasti."

U tabelarnom pregledu Sistematizacije radnih mjesta iza rednog broja 2. dodaje se redni broj 2a) i glasi:

2a)	Stručni savjetnik za pravne poslove	1	VSS, VII stepen, ili diploma visokog obrazovanja prvog (240 ECTS), drugog ili trećeg ciklusa Bolonjskog sistema studiranja	Fakultet pravne struke	Najmanje tri godine	Obavezan	-
-----	-------------------------------------	---	--	------------------------	---------------------	----------	---

U Šemi unutrašnje organizacije u dijelu koji se odnosi na Službu za obrt, poljoprivredu i poduzetništvo, iza naziva radnog mjesta Stručni savjetnik za planiranje razvoja poljoprivrede dodaje se nova kolona - novo radno mjesto koje glasi:

RADNO MJESTO – POZICIJA RADNOG MJESTA	BROJ IZVRŠILACA
Stručni savjetnik za pravne poslove	1

Član 4.

U članu 16. Pravilnika iza tačke 1a) dodaje se nova tačka 1b) i glasi:

„1b) STRUČNI SAVJETNIK ZA INFORMACIONO KOMUNIKACIONE TEHNOLOGIJE

Opis poslova: izrađuje planove i programe za uspostavljanje, razvoj i povezivanje složenijeg informacionog sistema, njegovo održavanje i nesmetano funkcionisanje, sa prijedlogom novih informatičkih i tehničkih rješenja; ustrojava informacioni sistem Grada; osigurava preduvjete da informacioni sistem bude operativan i efikasan; kontaktira sa dobavljačima opreme radi obezbjeđivanja pravovremenog reagovanja kada je u pitanju otklanjanje kvarova u garantnom roku, organizuje i vrši stalnu korisničku podršku i edukaciju državnih službenika i namještenika; vrši testiranje, instaliranje i osiguranje softwar-a i hardwar-a, provodi interne obuke za korištenje softwar-aplikacija i hard-konfiguracija i za otklanjanje trenutnih softwar-skih problema, utvrđuje i prati interne procedure arhiviranja elektronske dokumentacije u skladu sa centralnim sistemom arhiviranja, vrši analizu postojećeg stanja informacionih sistema i izrađuje metodologije i standarde za formiranje, razvijanje i održavanje baze podataka, analizu tih podataka i njihovo publiciranje; priprema i poduzima odgovarajuće mjere, radnje i postupke u kreiranju i organizovanju provođenja sigurnosnih mjera, mrežne politike i bezbjednosti u informacionom sistemu; analizira i poduzima mjere poboljšanja funkcioniranja i razvoja informacionog sistema Gradskog organa uprave; upravlja informacionom mrežom;

komunicira sa pomoćnicima gradonačelnika i šefovima organizacionih jedinica i analizira potrebe korisnika kako bi preporučio optimalan raspored i plan, predlaže inovacije, modifikacije ili nadogradnju, vrši testiranje, instalaciju i distribuciju nove opreme, brine da serverska oprema bude smještena u odgovarajućim posebnim prostorijama, priprema i organizira multimedijalne i power-point prezentacije značajnih projekata i drugih podataka za potrebe Grada izrađuje godišnje, polugodišnje i mjesečne planove i izvještaje o radu; odgovoran je za zakonito i ažurno obavljanje poslova na sedmičnoj i mjesečnoj osnovi, podnosi pismene mjesečne, a po zahtjevu i sedmične izvještaje o svom radu šefu Službe i gradonačelniku, odgovoran je za provedbu propisanih postupaka i procedura o internoj kontroli, po potrebi obavlja i druge poslove iz djelokruga rada Službe, a prema zahtjevu i uputama šefa Službe i gradonačelnika, za svoj rad neposredno je odgovoran šefu Službe.

Uvjeti za obavljanje poslova: VSS, VII stepen, ili diploma visokog obrazovanja prvog (240 ECTS), drugog ili trećeg ciklusa Bolonjskog sistema studiranja, informatičke struke, položen stručni ispit ili ispit općeg znanja, najmanje tri godine radnog iskustva u struci.

Vrsta djelatnosti: osnovna djelatnost

Grupa poslova: studijsko –analitički i stručno-operativni poslovi i informaciono-dokumentacioni

Složenost poslova: najsloženiji

Status izvršioca: državni službenik

Pozicija radnog mjesta: stručni savjetnik

Broj izvršilaca: 1 (jedan)

Osnovni propisi koji se koriste pri obavljanju poslova radnog mjesta: Zakon o autorskom pravu i srodnim pravima; Zakon o elektronskom pravnom i poslovnom prometu; Zakon o slobodi pristupa informacija; Zakon o zaštiti ličnih podataka; Zakon o elektronskom potpisu; Zakon o centralnoj evidenciji i razmjeni podataka; Pravilnik o kancelarijskom poslovanju u Federaciji Bosne i Hercegovine i drugi zakoni i propisi koji se koriste u obavljanju poslova ovog radnog mjesta.“

U tabelarnom pregledu Sistematizacije radnih mjesta iza rednog broja 1a) dodaje se redni broj 1b) i glasi:

1b)	Stručni savjetnik za informaciono komunikacione tehnologije	1	VSS, VII stepen, ili diploma visokog obrazovanja prvog (240 ECTS), drugog ili trećeg ciklusa Bolonjskog sistema studiranja	Fakultet informatičke struke	Najmanje tri godine	Obavezan	-
-----	---	---	--	------------------------------	---------------------	----------	---

U Šemi unutrašnje organizacije u dijelu koji se odnosi na Službu za upravljanje razvojem, iza naziva radnog mjesta Stručni savjetnik za društveni razvoj dodaje se nova kolona - novo radno mjesto koje glasi:

RADNO MJESTO – POZICIJA RADNOG MJESTA	BROJ IZVRŠILACA
Stručni savjetnik za informaciono komunikacione tehnologije	1

Član 5.

Ovaj Pravilnik stupa na snagu danom donošenja i objavit će se u "Službenom glasniku Grada Bosanska Krupa".

Broj: 01-02-4653/22
Bosanska Krupa, 25.5.2022. godine

GRADONAČELNIK
Armin Halitović s.r.
